



12. december 2023

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

**Naalackersuisunut apeqqutit:**

- 1. Ukiut qulit ingerlaneranni ilinniarfinni ilisimatusarfinnilu ilinniartitsisut malunnaatilimmik amerlanerusut kalaallisut ilinniartitsisalernissaat anguniarlugu periarfissat suunerinik Naalackersuisut misissuinissaannik siunnersuut 2022 ukiakkut naammassisusaaq naammassineqarsimanerluni?**
  - 1.a Taamaanngippat qaqugu naammassinissaa naatsorsuutigineqarpa?**
- 2. Naalackersuisut qanoq pilersaaruteqarpat?**

(Inatsisartunut ilaasortaq Doris J. Jensen, Siumut)

**Tungavilersuut:**

Inatsisartut ukiakkut 2021 ataatsimiimmata imm. 46 oqaluuserineqartoq tassaavoq: Ukiut qulit ingerlaneranni ilinniarfinni ilisimatusarfimmilu ilinniartitsisut ikinnerpaamik 80 %-iisa kalaallisut ilinniartitsisalernissaat anguniarlugu periarfissat suunerinik Naalackersuisut misissuinissaannik siunnersuut. (Ukiut qulit ingerlaneranni ilinniarfinni ilisimatusarfimmilu ilinniartitsisut ikinnerpaamik 80 %-iisa kalaallisut ilinniartitsisalernissaat anguniarlugu periarfissat suunerinik Naalackersuisut misissuinissaat pillugu Inatsisartunut aalajangiiffigisassatut siunnersuut. Misissuineq UKA2022-mi saqqummiunneqassaaq.)

Tassunga tunngatillugu, Naalackersuisut allannguutissamik siunnersuuteqarnikuupput imatut nipilimmik:

“Ukiut qulit ingerlaneranni ilinniarfinni ilisimatusarfimmilu ilinniartitsisut malunnaatilimmik amerlanerusut kalaallisut ilinniartitsisalernissaat anguniarlugu periarfissat suunerinik



Naalackersuisut misissueqquneqarnerat pillugu Inatsisartunut aalajangiiffigisassatut siunnersuut.

Misissuineq UKA2022- mi saqqummiunneqassaaq.

Taamaattumik suliaq taanna sumut killinnersoq paaserusuppara aammalu Naalackersuisut qanoq pilersaaruteqarnersut.